

全國名醫驗案類編

第八冊

時行瘡疫病案
時行鼠疫病案

南京中醫學院
圖書館藏書

上海大東書局印行



南京中醫藥大學圖書館版權行

中華民國十八年三月出版
 中華民國十八年六月發行



分發行所

漢口中山路
 廣州雙門底
 北平楊梅竹斜街
 遼寧鼓樓北
 長沙南陽街
 梧州大平路
 汕頭至平路

大東書局

評選者	古越何廉臣
發行者	大東書局
印刷所	上海帖嶺路一〇一號 大東書局
總發行所	上海四馬路中市 大東書局

全國名醫驗案類編

(全八册定價大洋六元)

(外埠酌加郵費匯費)



上海中醫藥大學圖書館版權所有

當代全
名醫驗案類編目錄

二集 八大傳染病案

第十三卷 時行瘧疫病案

春溫時瘧案.....周小農

風溫時瘧案.....何拯華

風溫疫痧案.....孫少培

夏熱瘟疹案.....張錫純

夏熱疫點案.....錢赤楓

秋溫疫瘧案.....汪竹安

冬溫麻疹案.....何益贊

冬溫疫痧案.....袁桂生



冬溫疫痧案

葉鑑清

伏熱發疹案

過允文

食積悶痞案

周小農

麻疹痰閉案

周小農

疫痧內隱案

葉鑑清

痞後受風夾食案

汪竹安

時痞夾癩案

嚴繼春

痞夾喉痧案

嚴繼春

痞夾水痘案

嚴繼春

疫痞化疔案

汪竹安

痞後痢案

汪竹安

妊娠疫疹案

羅端毅



當代
全國名醫驗案類編

二集 八大傳染病案

第十三卷 時行瘡疫病案

○春溫時瘡案

周小農住無錫

〔病者〕榮成鰲次子，年八歲，住錫山。

〔病名〕春溫時瘡。

〔原因〕素因先天不足。九月而產。平日肝旺。或目赤牙痛。現因暮春瘡疫盛行。傳染而得。

〔症候〕瘡未齊而已。回熱經二旬有餘。顴紅目乾。鼻燥口渴。咳痰靛黃。必須以手探取。暮則氣逆不舒。懊煩少寐。鼻不覺暖。按腹臍則甚痛。洩短而赤。



便艱不爽耳聾有膿。

【診斷】脈數而重按無力舌絳苔有白糜此由溫邪夾痰夾積留戀薰蒸熱久傷陰痧癆堪虞。

【療法】宗吳鞠通法以兜鈴天冬焦梔丹皮杏仁貝母枇杷葉冬瓜子蘆茅根等肅肺清熱為君元參生地石斛沙參茯神生津安神為臣兼以珠粉雄精月石辰砂竹瀝梨汁蘿蔔汁等化痰潤下為佐。

【處方】馬兜鈴 一錢 淡天冬 一錢 焦山梔 一錢 牡丹皮 一錢

光甜杏仁 錢各一 浙川貝 錢各一 元參 二錢 細生地 二錢

鮮石斛 錢半 北沙參 二錢 辰茯神 錢半

先用鮮茅根 一兩 去衣 活水蘆根 一兩 去節 鮮枇杷葉 一兩 去毛筋淨 鮮冬瓜子 一兩 四味

煎湯代水。

【另方】濂珠粉製雄精西月石飛辰砂各一分研和用竹瀝梨汁生蘿蔔汁各



一瓢重湯燉熱候溫送下

【次診】服二劑得眠頗安大便初堅黑後溏氣逆已平痰仍韌黃鼻柱已暖竅仍乾晡熱尙久則增煩懊餘熱薰蒸五液均乾脈數苔糜尖紅而碎此因穉體陰氣素虧去臘少雪日赤甚久即其機倪再存陰退熱清化熱痰而止蒸糜

【處方】鮮沙參 二錢

鮮石斛 二錢

鮮生地 三錢

淡天冬 一錢

元參 三錢

原麥冬 一錢

粉丹皮 錢半

冬瓜子 三錢

肥知母 二錢

花粉 錢半

光甜杏仁 各錢半

枯黃芩 一錢

玉泉散 二錢

包煎

先用活水蘆根鮮茅根鮮枇杷葉各一兩 鮮淡竹葉 三錢 煎湯代水

【另方】濂珠粉製雄精各一分川貝三分共研和仍以竹瀝梨汁萊菔汁各一

瓢燉溫調服



【三診】連服三劑。舌糜漸化。身熱得暢汗而解。惟便復閉。原方去枯芩花粉玉泉散。加金沸草包煎。紫苑各一錢。火麻仁錢半。鮮首烏錢半。瓜蒌皮三錢。

【四診】進兩劑。便復解。熱清而苔糜淨。顴紅除。兩目潤。鼻生涕。咳大減。痰亦少。耳略聰。膿亦止。惟裏熱掌灼。脈靜。轉細。舌紅布新苔。可進。養陰以善後。

【處方】川石斛 二錢

細生地 三錢

鮮首烏 錢半

淡天冬 一錢

原麥冬 一錢

元參 錢半

粉丹皮 一錢

蘇百合 一錢

天花粉 一錢

火麻仁 錢半

甜杏仁 錢半

冬瓜子 二錢

鮮枇杷葉 四錢去毛筋淨

【效果】三劑而裏熱淨。胃氣醒。日漸向愈而復元。

廉按瘡爲麻疹之俗稱。浙江名瘡子。江蘇名痧子。名雖異而治則同。必先察乎四時之氣候。隨其時氣之勝復。酌以辛勝。或辛涼。及甘涼苦辛。淡滲。

鹹寒等法，對症發藥，隨機應變，名其病曰時瘡者，以其因時制宜，辨其爲風溫，爲濕溫，爲暑濕，爲燥熱，爲伏邪，仍以時感法清其源耳。

○風溫時瘡案

何拯華 紹興同善局

【病者】俞四姑，年六歲，住紹興昌安門外瓦窰頭。

【病名】風溫時瘡。

【原因】暮春暴熱，肺感溫風而發。

【症候】頭痛身熱，惡風自汗，繼卽頭面項下均見紅疹，隱隱咳嗽，氣逆神煩，少寐。

【診斷】脈右浮滑，數左浮弦，舌邊尖紅，苔薄白。此葉天士所謂溫邪上受，首先犯肺，熱入孫絡而成疹也。

【療法】從上焦治，以薄荷、蟬衣、牛蒡、連翹、辛涼散風爲君，桑葉、銀花、萹皮、箬葉、輕清透疹爲臣，佐以前胡，使以桔梗開降，疏達以宣暢肺氣也。



〔處方〕蘇薄荷 八分

淨蟬衣 七分

炒牛蒡 錢半

青連翹 錢半

前胡 一錢

濟銀花 一錢

栝蒌皮 一錢

冬桑葉 錢半

青箬葉 三錢

桔梗 六分

〔效果〕二日疹雖透足而咳甚氣急口渴引飲原方去薄荷蟬衣桔梗加生石

膏四錢知母二錢甜梨皮三錢枇杷葉五錢連進二劑至第五日熱退

身涼氣平咳減前方再去石膏牛蒡前胡加川貝二錢鮮石斛二錢蔗

漿兩瓢連服三日咳止胃動而痊

〔麻按〕小兒風溫發疹四時皆有而以春冬兩季為最多其病從傳染而來

吾紹謂之時瘡又稱麻疹蘇州謂之疹子又名痧子暇時徧查字典並無

瘡字辭源謂痧為麻疹之俗稱余謂瘡亦麻疹之俗名名稱因地方而異

方藥以因症而殊同一時瘡當按四時法治春時用春溫法夏時用暑風

法秋時用秋燥法冬時用冬溫法初起用辛涼開透法液燥者佐甘寒如




鮮生地、鮮茅根之類、挾濕者、佐淡滲、如生苡仁、浙茯苓之類、火盛者、佐鹹寒、如犀角、羚羊、金汁之類、至於俗傳單方、如棉絲線、櫻桃核、銅板、草紙等、最爲大忌、奉勸病家、切勿以最憐愛之嬰孩、斷送生命於有百害無一利之土方也、此案風溫時瘡、理當用春溫法治、方亦輕清靈穩、從葉法脫化而出、惟牛蒡子爲透發瘡疹之要藥、若初起作嘔者、用之嘔更甚、然經謂在上者、因而越之、風痰嘔出、瘡反出透、亦不必怕、若怕其嘔、加白薏仁三四分、卽不嘔、大便瀉者、兒科方書皆禁用、以牛蒡子多油、善能作瀉也、然瘡將出而作瀉者、不藥可愈、亦不必禁、若瘡後水瀉、用甘寒複以淡滲、加銀花炭最妙、慎勿用溫熱提補、如理中湯等、誤用反危、往往咳血、便血、不可救藥矣、

○風溫疫痧案

孫少培 住南京倉巷

【病者】夏玉笙之女公子、年二歲、鳳陽關司事、住南京土街口、



國名醫馬家類編
【病名】風溫痧痧（卽疹，浙江名痲，又俗稱瘡子）

【原因】因乳食不濟，飼以牛乳，又酷嗜香甜之品，風溫病頭面見痧，服升達劑轉劇。

【症候】風溫七八日，熱壯無汗，晝夜煩躁，飲水無度，兩足逆冷，腹痛脹，得瀉稍鬆，少頃又脹，痧點僅見於頭面，自頸以下無點，氣喘鼻煽，喉音乾澀，血上溢，細視其面部，痧點乾紅焦萎，有退縮之象，週身全無點粒，身半以上發熱，身半以下冰冷，腹膨氣喘，目瞑多鼻血，咯血時而索飲，時而下利，晝夜如是，不能安枕，逆象已見。

【診斷】脈細數少，神審察前醫所用方劑，類皆升發藥品，費建中氏有云：放點時而升發者，理也。執升發於放點時者，障也。蓋痧症本由熱邪遏鬱所化，古人謂痧本於陽而生於陰，內經曰：陽主天氣，陰主地氣，本乎天者親上，本乎地者親下。今痧點但擁於頭面而不見於正身，是但親其上。



而。不。親。其。下。用。藥。僅。執。一。升。發。為。不。二。法。門。是。不。明。剝。復。之。道。也。經。云。亢。則。害。承。乃。制。又。曰。病。在。上。取。之。下。症。勢。本。屬。棘。手。所。幸。兩。手。之。脈。尚。不。散。亂。而。所。見。逆。象。純。是。藥。誤。尚。有。一。線。生。機。欲。挽。救。此。症。猶。逆。水。行。舟。有。稍。縱。即。逝。之。勢。用。大。劑。涼。血。清。金。之。品。以。冀。挽。回。於。萬。一。【療。法】湯。液。療。法。鮮。生。地。有。涼。血。止。血。之。功。用。以。為。君。生。石。膏。黃。芩。有。滌。熱。清。金。之。妙。均。屬。肺。家。要。藥。肺。與。大。腸。相。表。裏。用。以。導。熱。下。行。為。臣。玄。參。清。熱。解。毒。梔。子。能。去。曲。折。之。火。用。以。為。佐。夏。枯。草。能。開。火。府。之。閉。用。以。為。使。外。加。梨。汁。藕。汁。各。一。酒。杯。併。鮮。生。地。汁。和。入。緩。緩。喂。之。

【處方】鮮生地

半斤榨
汁和服

生石膏

研一兩
細

黃芩

玄參

黑山梔

三錢

夏枯草

三錢

梨汁藕汁各一酒杯和服

【效果】右藥分為數次頻頻灌之。服藥甘之如飴。甫及半。躁亂略平。次晨藥已灌完。便能熟睡。至日中始醒。知索乳。視其正身。痧點甚密。兩足轉熱。亦



有點復診。舉家歡慰。視爲奇事。擬一清化之方。爲之調理。越數日全愈。
廉按。葉氏謂春令發痧。從風溫濕。夏季從暑風。或從暑濕。秋令從熱燥。燥
氣。冬月從風寒。或從冬溫。痧本六氣客邪。風寒暑濕必從火化。痧既外發。
世人皆云邪透孰謂出沒之際。升必有降。勝必有復。常有痧雖外發。身熱
不除。致咽啞。齟腐。喘急。腹脹。下痢。不食。煩躁。昏沉。竟以告斃者。皆屬裏症。
不清。致變。須分三焦受邪。孰多。或兼別病。累瘁。須細體認。此案風溫疫痧。
當以辛涼開肺爲首要。乃服升達劑。轉劇者。大抵前醫執用古方。如升麻
葛根湯。荆防敗毒散等。升散太過。痧毒上衝。以致喉乾氣喘。鼻衄咯血。面
部痧點。乾紅焦萎。變症叢起。方用大劑涼血清金。力圖挽救。處方固屬雄
健。診斷多所發明。真膽識兼全之佳案也。

○夏熱瘟疹案

張錫純

住天津

〔病者〕友人朱貢九君之哲嗣文治。年五歲。住奉天北關。

【病名】夏熱癩疹。

【原因】素有心下作疼之病。於庚申立夏後。因傳染而出疹。貪食鮮果。

【症候】周身壯熱。疹甚稠密。咳嗽喘逆。氣粗喉疼。

【診斷】脈甚洪。數。舌苔白厚。知其疹而兼癩也。

【療法】因前一日猶覺作痛。不敢投以重劑。姑用辛涼輕劑以清解之。

【處方】生石膏

六錢 搗細

元參

六錢

薄荷葉

一錢

青連翹

二錢

蟬退

一錢

【次診】晚間服藥。至翌日午後視之。其熱益甚。喉疼氣息甚粗。鼻翅煽動。且自

鼻中出血。少許。有煩躁不安之意。不得已。重用石膏為君。仍佐以發表

諸藥。

【次方】生石膏

三兩 搗細

玄參

四錢

原麥冬

四錢

薄荷葉

一錢

青連翹

三錢



【三診】翌日視之。則諸證皆輕減矣。然餘熱猶熾。其大便雖下一次。仍係燥糞。詢其心。尤發熱。脈仍有力。遂於前方涼解藥中。仍用生石膏一兩。

【效果】連服兩劑。壯熱始退。繼用涼潤清解之劑。調之全愈。

【說明】疹證多在小兒。想小兒臟腑間原有此毒。又外感時令之毒氣而發。

發則表裏俱熱。若溫病初得之劇者。其陽明經府之間。皆爲熱毒所瀰。漫故治此證。始則辛涼發表。繼則清解。其有實熱者。皆宜用石膏。至喉疼聲啞者。尤爲熱毒上衝。石膏更宜放膽多用。惟大便滑瀉者。石膏知母皆不宜用。可去此二藥。加滑石一兩。甘草三錢。蓋卽滑瀉亦非涼證。因燥渴飲水過多。脾胃不能運化故也。故加滑石以利其小便。甘草以和其脾胃。以緩水飲下趨之勢。若其滑瀉之甚者。可用拙擬滋陰宣解湯。
湯（滑石一兩 包煎 甘草三錢 連翹三錢 蟬退三錢 生杭芍四錢 淮山藥六錢 足土 生打）
既可止瀉。又可表疹外出也。然此證最忌滑瀉。恐其毒因滑瀉內陷。卽

